

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Ananias.

urn:nbn:de:gbv:45:1-18303

SENTENTIA.

Veritas odium periculumque parit. Malo vate aut doctore nihil iniquius. Plerumque plus sapiunt, & plus æquitatis habent ineruditi, quam doctores. Pœnam si vis effugere, fuge culpam. Mitiora imitanda sunt exempla, immitiora declinanda.

ANANIAS. Jerem. 28.

ARGUMENTVM.

Ananias Judæis liberationem ad biennium falso vaticinatur. Jeremias contra, graviolem insuper captivitate prædicit, & ipsi Ananiæ mortem a Jova denunciât.

Ananias, Jeremias.

Audi tu Jeremia, una cum universo hoc populo, quæ jussu Dei vobis denuncio. Ego (inquit Jova optimus maximus, Israelitarum Deus) jam rumpam jugum Regis Babyloniorum, & post duos annos referam in hunc locum omnia vasa templi, quæ Nabuchodonosor hinc ablata Babylonem deportavit: Jechoniamque filium Joachimi Judææ Regis, omnesque captivos Judæos, qui sunt abducti Babylonem, huc reducam fracto Babylonis imperio. *J. a)* Utinam ita faciat Jova, & tua dicta omnia ad rem conferat, atque huc vasa sacra reportet: captivosque omnes e Babylone revocet! Verum audi, & quæ apud te & omnem popu-

a) Quod tristia nunciant veri doctores, non ideo nunciant: sed quia vera sunt.

populum eloquar, trade memoriæ. Claruerunt ante me & te jam olim Vates, qui multis nationibus, magnisque regnis bellum, aut famem, aut pestem præsignificaverunt. Quod si quis aliquando secunda pronuntiabat, ejus prædictum aut eventus a divino afflatu profectum comprobabat, aut frustratio refellebat. Hoc quia in hac natione futurum certo scio, malo te rei exitu confutari, quem mea oratione irritari. *A.* Cedo mihi istam torquem: audite vero omnes, qui hi estis, quid ferant mea dicta. Quemadmodum hoc ego collare perrumpo, ita Jovam scitote perrumpiturum dominationem. Nabueodonosori post biennium. *J.* Nolo tecum amplius rixari. *A.* Abeas licet: ego hoc teneo & tenebo, ne trepidate Judæi, adventat certissimum vobis prædictum & salus. Bono animo este. *J.* Adsum tibi a Deo Anania, qui tibi me ita renunciare jubet: Vincula lignea, inquit, rupisti Anania, sed pro eis ferrea feceris: nam ego ferreum iugum collo imponam omnium istarum gentium, quæ serviant Nabueodonosori Babylonicorum Regi: sub cujus ego ditionem etiam agrestes bestias subiunxi. Hæc sunt, de quibus te, Anania, Deus meo ministerio præmonitum voluit. Sed non est, crede mihi Anania, non est, quod incitationem & perinotionem divinam ostentes, & hunc populum spe inani erigas. ^{a)} Neque enim a Deo missus ades, cujus ego inflatu perniciem tibi proximan-

denun-

a) Qui aliis salutem falso vaticinantur, ii sibi perniciem vere venturam sciunt.

denuncio, teque hoc anno vita defuncturum confirmo: quoniam tuis verbis deficiendi ab eo causa es.

SENTENTIA.

Mali doctores solent improbis fausta dicere, & quæ placeant. Boni contra. Hinc fit, ut boni invisi sint: mali amentur, & autoritate polleant. Veris Vatribus raro creditur ante eventum: praesertim si adsunt falsi Vates, qui veris contraria doceant. Mali Vates dum pœnas improborum verbis leniunt, reipsa exasperant. Cum pervicacibus rixandum non est. Qui improbis blandiuntur, eos a Deo avocant.

SEDECIAS. Jerem. 38.

ARGUMENTVM.

Jeremias consulentem se Sedeciam, Judææ Regem, monet, ut se dedat Chaldæis alioquin venturum & ipsum & Urbem in miseram calamitatem.

Sedecias, Jeremias.

Volo ego te consulere super rebus meis, Jeremia: sed noli me quicquam celare. *J.* Rem omnem tibi aperiam: sed ea conditione, ne me interimas, neve consilium meum repudies. *S.* Per Deum immortalem, qui nostros animos creavit, non perimam te, neque tradam illis hominibus, qui tuam necem cupiunt. *J.* Satis habeo: accipe jam, quod sit Dei consilium. Si te contuleris ad Principes Babylonios, & tuæ tuorumque vitæ

con.